



Nuuk 29.april 2019

Inatsisartut suleriaasianni § 37, imm. 1 naapertorlugu matumuuna Naalakkersuisunut imaattumik apeqquteqaateqarpunga.

Apeqqutit:

- 1. Immap naqqatigut kabelersuaq, Sisimiut avannaatungaaniittoq qaqugu suliarineqalissava aamma qaqugu naammassineqarnissaa pilersaarutigineqarpa?**
- 2. Innuttaasut Sisimiut avannaatungaaniittut Qaanaaq tikillugu, immap naqqatigut kabelersuup kittorartoorsimaneranik eqqugaqqasut, eqqugaasimanerat minnerpaaffianiitinniarlugu Tele Greenland qanoq pilersaaruteqarpa? B-mik pilersaaruteqarpa?**
 - a. Aaqqiiniarnerup nalaani utaqqiisaa attaveqaammik sukkasuumik pilersitsisoqarniarpa?**
 - b. Imaluunniit utaqqiisaa aaqqiissutaagallartumik sumik arlaannik pilersaaruteqartoqarpa?**
- 3. Pisup asserluinnaanik pisoqaqqinnginissaa anguniarlugu Tele Greenland qanoq iliuuseqarniarpa?**

(Inatsisartuni ilaasortat Peter Olsen, Inuit Ataqatigiit)

Tunggavilersuut:

Uunga suliamut tunggasoq annertuumik oqallisaareerlunilu, sumut tungganersoq amerlanerpa-artaasa nalunngereermassuk annerusumik oqaasertalissanngilara.

Kisianni innuttaasut Sisimiut avannaatungaaniittut massuapput, qatsussippullu ullumikkut tikillugu suli siuariaallanninnguarmilluunniit takusaqannginnamik.

Innuttaasunut tamanut kingunerluppoq; Namminersorlutik inuussutissarsiortunut, atuartunut minnerunngitsumillu ilinniarnertuunngorniartunut Aasianniittunut, Ilulissanilu perorsaanermik ilinniarfimmi ilinniartut annertuumik eqqugaanerloqqapput. Kommunemi innuttaasut sullissivii, napparsimavimmiunut, ilami kikkunnut tamanut annertuumik kingunerluutaasumik avannaamiut eqqugaanerloqqapput.

Unnialumi nakorsiat, tarrarsortissimasut sivisoorujussuarmik utaqqisariaqartalersimapput, attaveqaataasup arriippallaalersimanagera pissutaalluni. Inuup peqqussuunissaanut tunggassute-qartupilorujussuaq aallaat inuup inuuneranik ulorianartorsiortitsisinnaasoq. Tamanna ajorpoq akuersaaruminaapporlu.

Avannaani innuttaasut qanoq naatsersuuteqarsinnaappat? Qaqugu ikiorneqarsinnaalissappat? Qaqugu ajornartorsiutaasoq qaangerneqarsinnaalissava?

Qinnutigissavara apeqquteqaatima ullut suliffiusut qulit iluanni akineqarumaartut.